

Ic, Steven Vanden Kerchove stadhoudere Jans Van Thienen, Rotgs¹ vander Vuere ende van Vilvoerden ons heeren des keyzers doen condit dat voer mij ende die gezworen eygenooten te weten Jan Volleman², Jan Van *Espen/Lies*, Sebastiaen Van/Lien ende Wouter Wouter Van Echelpoele commen is Jan vanden Zijpe, sone Peeters ende heeft opgedragen den voorschreven stadhoudere inde hant met wettige vertienisse een besloten block dat plach weye te zinen, groot ontrent een buender ende viventseventich roeyen littel min oft meer gelegen inde prochie Campenhout ontrent den Binnelaer, Jan vander Straten in drie zijden ende Jan Corwas goeden inde vierde zijde, den cooper alle genoeg bewijst voerden chijns van negentiene mokens lichte eevene ent het tgoetgelt daer toe staende. Ende hier toe is comen ende daer inne geguedt en, de geerft Gielis vanden Bossch gelijk tvonnisse der voirscreven eygenooten gewijst hadde ende hier inne zijn geschiet ende onderhouden geweest alle poincten ende solemniteyten van die hier inne behoerden ende sculdich waeren toe te geschiene ende dit al geschiet bij mijnder manissen ende bij wijsdomme vander voirscreven eygenooten, die hier over sculdich waeren te manen ende te wijsen egeen poinct van rechte datter inne behoerde versuempt noch achter gelaten en was voldaan. in oirconden des waerheyt hebbe ic mijnen propren zele dese letteren aengehangen ende hebbe vorts versocht den voirscreven eygenooten dat sij om meerder sekerheyt ende vesticheyts wille van tgene des voirscreven staet elck kunnen propren zegele bij den mijnen hier mede aenhangen wilden ende om dat wij Jan Volleman, Jan Van *Espen/Lien* ende Sebastiaen van/Lies als gezworen eygenooten hier mede bij aen ende over geweest zijn daer alle de voirscreven poincten ende solemniteyten van rechte die hier inne behoerde ende sculdich waeren te geschiene, soe hebben wel elck onsen des zegele bijden zegele des voirscreven stadhouders hier aen gehangen . In kennisse der waerheyt behouwelijck onsen heeren den keyser sijnder hoger heerlijkheyt ende eenen iegelijcken zijnen rechte. Dit was gedaen int jaer ons heeren als men screef duysent vijfhondert sessentwintich opten opten vijffthiensten dach der maent van meye. (15/5/1526)

¹ Rotgs = Rorgers/Jooris/George/George Hebscap/Hebschap/Hupscap/Hupschap - rentmeester

² = Jan Rolleman

*Met dank aan Jan Peeters en Paul Behets voor het overzetten in leesbare tekst.
Bij de naam Espen of Lies/Lien zijn beiden het oneens over het juiste woord.*